

Tã îgĩ-îgĩ drĩ-káká Pétěrō kã 1 Pétěrō

Tã 'ě'á zĩlã nĩlĩ sĩsĩ rĩ

Pétěrō lãj'ó'bá Yésũ kã ró rĩ îgĩ wárãgã nô gólã drĩ 'bãrě trá ãrãkã ró, gō'dá kpá trá ãnyĩ 'ěrě gólã rĩ fũlĩ rĩ 'á. Gólã îgĩ wárãgã nô krístō 'bá gólĩyĩ 'bãsurú Yúdã yĩ kã 'ásĩ, gō'dá lã'bu 'bá bê ãyĩ trá vō ngĩngĩ 'ásĩ rĩ 'bá yĩ drĩ. Tã ífĩ gólã drĩ wárãgã nô îgĩzō gólĩyĩ drĩ rĩ, tãlã òsō ró fãfã bê gólĩyĩ 'á, gō'dá gólĩyĩ ăđtũ ró ãyĩ fĩĩ bê kãyĩ lãñō drĩ 'dẽzō gólĩyĩ drĩ rĩ 'á. Gólã kĩ nĩ rĩ, krístō 'bá yĩ ãã'dô rũ ãzã úsũ'á, tãlã gólĩyĩ rĩ trá 'dělẽ tã Kúmũ gólĩyĩkã Yésũ kã rĩ vó lã bẽlẽ ĩ'dĩ rĩ drĩ sĩ. Gō'dá gólĩyĩ ò'ê ũrĩ kô lãñō úsũlĩ ã'dô-ã'dô gólĩyĩkã krístō 'bá ró rĩ tãsĩ. Bê-rĩ gólĩyĩ ò'bã ãyĩ lĩfĩ ngã gólĩyĩ Ôvãrĩ drĩ tã lã 'bãlẽ trá 'ě'á fẽlã gólĩyĩ drĩ ũrũ 'álã ãyĩ mvã yĩ ró rĩ drĩ. Gólĩyĩ ũnĩ kĩ, Yésũ òtĩrĩ ãgōō ãngō nô 'á rĩ, Ôvãrĩ ã'dô gólĩyĩ lũyĩ'á, òzō gólĩyĩ òrĩ zãã gãgã rákã fê kãtĩ tã lẽlẽ gólĩyĩkã 'á rĩ. Gólĩyĩ òndrẽ ãyĩ vó kpá dódó Sãtãnã gólã 'ě 'bá gólĩyĩ ãzãlẽ rĩ drĩgã sĩ.

¹ Mã Pétěrō ã'dó 'bá lãj'ó'bá Yésũ Krístō kã ró nõ, mã îgĩ wárãgã nô nĩ ãnĩ gólĩyĩ Ôvãrĩ drĩ nĩlĩ trá ã'dólẽ òjĩlã ãyĩkã ró gō'dá rũ lãpẽ 'bá trá rĩlĩ òjĩlã ãwã ró 'bãdrĩ Pónĩtō kã 'á, Gãlãtĩyã kã 'á, Kãpãdõsĩyã kã 'á, Ásĩyã* kã 'á gō'dá kpá Bĩtĩnĩyã kã 'á rĩ 'bá yĩ drĩ. ² Ākũ ró, ãmã átã Ôvãrĩ ĩsũ tã trá ãnĩ nĩjĩzō ã'dólẽ òjĩlã ãyĩ nyãányã kã ró Lĩndrĩ Tãndĩ ãyĩkã sĩ, tãlã nĩ òrō ró Yésũ Krístō bê, gō'dá gólã ããyẽ ró ãnĩ bê tã ònjĩ ãnĩkã 'ásĩ tãlã òdrã Yésũ Krístō kã ãnĩ vō 'á rĩ sĩ.

Ôvãrĩ òrĩ zãã òrẽ fẽlẽ tã ă'dĩ bê ãnĩ drĩ ãmbã.

* 1:1 1.1 'Dĩ 'bãdrĩ gólã zĩlĩ ngbãangbãnō Túrũkĩ.

Tā lĩfĩ 'bā'bā drĩ-'â Ôvârí drĩ 'ě'á fělâ ãmâ drĩ ızátú rĩ drĩ rĩ tāsĩ

³ Mā lûyĩ Ôvârí tĩbê â'dô 'bá Kúmú ãmákâ Yésũ Krístõ rĩ átá ró rĩ, tãlâ gólâ pĩpĩsĩlĩ mvěêmvê bê ãmâ tāsĩ. Ítĩ rĩ, gólâ 'bā trá ãmâ tĩlĩ zãlô ó'dĩ gólâ rĩ mvá ró. 'Dĩ rĩ 'bā ãmâ trá lĩfĩ 'bãlê drĩ-'â gólâ Ôvârí drĩ 'ě'á fělâ ãmâ drĩ rĩ drĩ, tãlâ Yésũ Krístõ ngâ trá õdrã 'ásĩ. ⁴ Gõ'dá Ôvârí rĩ'á drĩ-'â 'dĩ vó lâ ndrě'á ãnĩ drĩ úrú 'á tólâ. Tã rĩ 'dĩ ícã kô ñalé ngátá rũ ızalé ngátá ndělé. ⁵ Tã lělě ãníkã drĩ rĩ, gõ'dá Ôvârí â'dô ãnĩ lôkĩ'á mbârãkã ãmbá íyĩkã sĩ búũũ kâyĩ gólâ drĩ ãnĩ pãzó rĩlĩ yĩ bê ãdũkũ ãkó rĩ 'á. 'Dĩ rĩ â'dô 'bã'á kâyĩ ãdũkũ ãngó nõ kã rĩ sĩ. ⁶ Gõ'dá ítĩ rĩ, nĩ â'dô ãyĩkõ ró tã 'dĩ 'bá yĩ tāsĩ, gbõ lé nĩ â'dô tã ãsũ ró lãñõ gólâ ãnĩ drĩ rĩ'á úsulá rĩ 'bá yĩ tāsĩ rĩ, lãñõ 'dĩ â'dô ãnĩ 'ě'á cé kâyĩ dã sĩ.

⁷ Gõ'dá lãñõ 'dĩ 'dê ãnĩ drĩ 'dĩ rĩ, ã'dô ró bê tã lělě ãníkã Ôvârí 'á rĩ ùjũlĩ, tãlâ nĩ ã'dô ró bê gágá õzõ rákã fê kãtĩ. Tã lělě ãníkã áâ'dô ùjũ'á lâ zãlô lãsĩ lãñõ kã sĩ, rĩ'á õzõ dáãbõ 'bãrě té zãlô lãsĩ 'á, tãlâ õñjĩ lâ õvê ró bê volé rĩ kãtĩ. Gõ'dá tã lělě ãníkã Ôvârí 'á rĩ, ãmbã lâ gãrã dáãbõ drĩ sĩ. Nĩ âtũ ãnĩ fĩ, gõ'dá Ôvârí â'dô ãnĩ lûyĩ'á kĩ nĩ rĩ, nĩ 'ê trá dódó, gõ'dá gólâ â'dô lãñjĩ 'bã'á ãnĩ rú kâyĩ gólâ Yésũ drĩ 'ězó ãgõlê ãngó nõ 'á rĩ sĩ.

⁸ Gbõ lé nĩ õndrê Yésũ ãnĩ lĩfĩ nyãányã sĩ kô rĩ, nĩ lě gólâ trá, gõ'dá nĩ 'bã tã ãsũ ãníkã trá nyé gólâ drĩ. Ítĩ rĩ, ngbãangbãno rĩ, ãnĩ gõ'dá trá ãyĩkõ ãmbá gólâ tĩbê ícalé tã lâ átalé kô rĩ bê. ⁹ Drĩ-'â tã lělě ãníkã gólâ 'á rĩ kã rĩ â'dô 'bã'á lédrê-lédrê ãdũkũ ãkó rĩ 'dĩ.

¹⁰ Tã Ôvârí drĩ õjĩlã íyĩkã pãzó rĩ tāsĩ rĩ, tã ângũ 'bá Ôvârí kã 'dĩ 'bá yĩ âtã tã lâ trá ãkũ ró. Tã ãmbã 'dĩ tāsĩ rĩ, tã rĩ 'dĩ 'ê rú trá ãmâ lĩfĩ 'á, tã gólâ drĩlĩyĩ rĩzó úlĩ Ôvârí kã 'dĩ zĩlĩ mãnĩsĩ ndrĩ, ¹¹ tãlâ yĩ ùnĩ ró lãtĩ 'díyĩ pãpã Ôvârí kã 'dĩ bê, gõ'dá kpá kâyĩ lâ ãâ'dô 'bã'á ãngõ tú yã rĩ. Gõ'dá gólĩyĩ nĩĩ

iyî ífí lâ kô, gô'dá Líndrí Tándí Krístõ kâ bê gólíyî 'á lâņõ gólâ tíbê 'ê 'bá Yésũ rî 'elê įzátú rî â'dalé, gô'dá kpá įnjĩ-įnjĩ Ôvârí drí 'ezó Yésũ rî įnjĩlĩ gólâ rî 'bâ'bâ sĩ õjílâ drĩlĩ ndrĩ rî bê.

¹² Gô'dá Ôvârí â'dâ tâ kpá tâ âņgũ 'bá 'dĩ 'bá yî drí kĩ, tâ gólâ gólíyî drí âņgũlĩ tâ 'díyî pãpã kâ 'dĩ tãsi rî, ícã kô rû 'elê kâyî gólíyíkã rî 'á. Bê-rî tâ 'dĩ 'ê rû gô'dá trá kâyî âníkã rî 'á. Ngbãângbânõ rî, nĩ ârî tâ âtĩ-âtĩ tândí trá õjílâ gólíyî rî 'bá iyî pëlã ânĩ drí mbârãkã Líndrí Tándí gólâ tíbê Ôvârí drí âjólé úrú lésĩ rî kâ sĩ rî tĩ sĩ. Ítĩ rî, gô'dá nĩ nĩ tâ áņgĩ ngã pãpã kâ gólíyî mälâyíkã Ôvârí kâ drí kpá lëlê rõõ lĩfĩ 'balé nĩlã rî yî trá.

Tã tâ 'ê'ê tândí gólíyî Ôvârí drí ânĩ zĩlĩ 'êlã rî tãsi rî

¹³ Ítĩ rî, tâ 'dĩ 'bá yî tãsi rî, 'dõvó nĩ rî lĩfĩ lõmbã sĩ, nĩ rî nĩãã tâ Ôvârí kã rî 'elê. Nĩ 'bã ânĩ lĩfĩ cé drĩ-'ã Ôvârí drí 'ê'á fêlã ânĩ drí kâyî gólâ drí 'ezó Yésũ rî â'dalé 'díyî pã 'bá ró õjílâ drí rî drĩ. ¹⁴ Ânĩ Ôvârí rî mvã yî 'ĩ'dĩ, nĩ rî zãã tâ gólíyî Ôvârí drí lëlê rî yî 'elê 'ĩ'dĩ. Nĩ lõgõ ânĩ nyãányã kô ngã gólíyî õņjĩ-õņjĩ ânĩ drí rĩ'á 'êlã drẽ äkpã nĩ nĩjĩ Ôvârí kô rî yî 'elê. ¹⁵ Bê-rî, nĩ rî gô'dá zãã tâ tândí 'elê 'ĩ'dĩ, nĩ jã ânĩ volé tâ gólíyî õņjĩ-õņjĩ rî yî rú sĩ nyé õzõ Ôvârí gólâ ânĩ nĩjĩ 'bã â'dólé õjílã íyíkã ró 'dĩ kãtĩ. ¹⁶ Ôvârí kĩ, "Nĩ rî zãã tâ tândí mbĩ rî 'elê 'ĩ'dĩ kãrá, gô'dá ânĩ jãlê volé tâ õņjĩ-õņjĩ rî yî rú sĩ, tãlã má rî zãã tâ tândí mbĩ rî 'elê 'ĩ'dĩ kãrá."

¹⁷ Nĩ ârî drẽ, Ôvârí ânĩ átã gólâ tíbê ânĩ drí rĩzõ rãtãã 'elê drĩlã rî, rî kpá tâ-vó õjílã kã kĩlĩ ndrĩ 'dó lãtĩ ãlõ 'ásĩ. Ôzõ ã'dõ gô'dá trá ítĩ rî, 'dõvó ânĩ drí rĩlĩ õzõ õjílã ùmú ró äņgõ nõ drĩ rî kãtĩ, 'dĩ gô'dá nĩ rî zãã rĩ'á Ôvârí rî rölê. ¹⁸ Nĩ ndrê drẽ, Ôvârí tĩ ânĩ drĩ trá â'dólé drĩ-bãlãýî ró lã'bĩ tíbê ânĩ á'bĩýã yî drí 'dãlê ânĩ drí rî 'ásĩ, lã'bĩ gólíyî ícã 'bã ânĩ pãlê kô rî. Gô'dá gólâ tĩ ânĩ drĩ 'dĩ â'dó kô ngã gólâ tãkó

õzõ lâfâ kâtí rî sî. ¹⁹ Lâgî ãnî drĭ tĭzõ rĭ lâvũ trá kôrõ. Gólâ tĭ ãnĭ drĭ Yésũ rĭ õdrã sĭ. Úlĭ Yésũ gólâ tĭbê tâ õnjĭ ákõ rĭ õzõ kăbĭlĭkĭ drĭ tĭtĭ kâ gólâ tãndĭ ró lĭsĭ ákõ gõ'dá kpá ălĭbĭ ákõ yĭ rú rĭ kâtĭ. ²⁰ Ǻkũ ró, drĕ ăkpăkă'dă Ôvârĭ 'băã ängõ nõ kô rĭ, gólâ njĭ Yésũ trá â'dólé drĭ tĭ 'bá ämákâ ró. Gõ'dá ngbãângbânõ kăyĭ ădũkũ nõ 'á rĭ, Yésũ âcâ trá ängõ nõ 'á ãnĭ pälé. ²¹ Gõ'dá Yésũ Krĭstõ sĭ, nĭ lĕ tâ trá Ôvârĭ 'á. Gõ'dá tãlâ Ôvârĭ ñngâ Yésũ trá õdrã 'ásĭ gõ'dá kpá 'bälé ämbá ró ngá ndrĭ drĭlĭ, ĭtĭ rĭ, nĭ 'bã ãnĭ lĭfĭ cé Ôvârĭ drĭ, gõ'dá nĭ lĕ tâ kpá cé gólâ 'á ĭ'dĭ.

²² ĭtĭ rĭ, ãnĭ drĭ ãnĭ äzĭ-äzĭ yĭ lĕlé pĭpĭsĭlĭ älõ sĭ õzõ ãnĭ ădrũpĭ yĭ kâtĭ. Nĭ â'dô ĭcálá 'ëlâ ĭtĭ, tãlâ nĭ lĕ tâ trá tâ ätĭ-ätĭ tãndĭ Yésũ rĭ tãsĭ nõ 'á pătĭfĭ ró, gõ'dá nĭ jâ rĭrĭ änkă rĭ trá tâ õnjĭ 'ásĭ, gõ'dá krĭstõ 'bá äzĭ lĕlé ĭ'dĭ. ²³ Ǻnĭ drĭ ãnĭ äzĭ-äzĭ yĭ lĕlé găřă, tãlâ útĭ ãnĭ gõ'dá trá ó'dĭ Ôvârĭ rĭ mvá yĭ ró. Lédrĕ-lédrĕ ó'dĭ gólâ ãnĭ drĭ â'dózõ ĭ'dĭ bê lâ 'dĭ â'dó ãnĭ átá yĭ ngätá ändré yĭ ngá lésĭ rĭ ĭ'dĭ kô, tãlâ lédrĕ-lédrĕ ãnĭ átá yĭ ngätá ändré yĭ ngá lésĭ rĭ â'dô rũ ndĕ'á õdrã sĭ. Gõ'dá ĭtĭ rĭ, lédrĕ-lédrĕ ó'dĭ 'dĭ â'dô 'bá'á zã gbădũ ădũkũ ákõ, tãlâ útĭ ãnĭ gõ'dá trá ó'dĭ ró úlĭ Ôvârĭ kâ gólâ 'ë 'bá rĭlĭ zã gbădũ ădũkũ ákõ rĭ sĭ. ²⁴ Tã ăngũ 'bá ĭsáyã drĭ tâ ätázõ ĭtĭ, kĭ nĭ rĭ,

“Õjlã mvá ndrĭ tâ gólĭyĭkâ rĭ yĭ bê rĭ rĭ'á õzõ õmã kâtĭ gõ'dá fõõ lâ bê.

Fõõ 'dĭ 'bá yĭ rĭ'á sũsũ ró.

Gõ'dá drĭlĭyĭ 'ĭzõ õmã 'dĭ 'bá yĭ bê gõ'dá drälé ngbá vólé 'wãã.

²⁵ Gõ'dá úlĭ Ôvârĭ kâ rĭ ĭyĭkâ zã gbădũ ădũkũ ákõ.”

ĭsáyã 40.6-8

Úlĭ Ôvârĭ kâ 'dĭ rĭ rĭ'á tâ ätĭ-ätĭ tãndĭ Yésũ rĭ tãsĭ pĕlé ãnĭ drĭ rĭ ĭ'dĭ.

2

¹ Gõ'dá â'dô bê trá ítí rî, nî âyê tâ õnjí tîbê ânî drí rî'á 'êlâ rî 'bá yî. Nî âyê õnjõ. Nî âyê tâ 'ê'ê ândõtô kâtí rî, nî âyê âgî-âgî õjílâ rú, nî âyê õjílâ ázî 'dã'dã. ² Tã 'dí 'bá yî vò lâ 'á ndrî rî, ânî drí â'dólé tótó úlí Ôvârí kâ rî lôvó lâ bê ânî 'á düû, rî'á ârîlâ õzõ mvá ôdé drí 'bälê ândrê lâ rî bã lîmvú lôvó bê düû rî kâtí. Úlí tãndí Ôvârí kâ 'ê 'bá ânî 'bälê â'dólé mbârâkâ bê gõ'dá kpá 'ê 'bá ânî pälé tâ õnjí ânîkâ 'ásí rî 'í'dí. ³ Ânî, nî úsû tâ lânjã Kúmú âmákâ rî kâ trá.

Tã âmâ drí 'bãzó trá õjílâ Ôvârí drí njílí trá rî 'í'dí rî

⁴ Gõ'dá nî âsî ânyî Kúmú âmákâ Yésû Krístõ lǽgátí. Gólâ õzõ jó âjû gólâ jó ângí Ôvârí kâ 'á rî kâtí. Ôjílâ ângó nõ drî rî 'bá yî gã gólâ trá dó, gõ'dá tákõ gólâ íyíngá 'í'dí tîbê Ôvârí drí njílí trá âkû ró tâ lâ drí lâzélé kôrô rî 'í'dí.

⁵ Gõ'dá nî â'dô kpá õzõ lâré jó kâ kâtí. Ôvârí lě ânî âtrólé ê'bélé kpākâ âlô jó ângí íyíkâ 'dízó 'í'dí sî lâ. Gõ'dá kpá nî 'bû ró rû bê yí drí õzõ drî-'bá íyî nyãányâ kâ ró rî jó íyíkâ 'á rî kâtí, rî 'bá gólâ rî lûyílí gõ'dá kpá tâ tãndí 'êlé gólâ drí ngá fêfê gólâ tîbê gólâ rî 'bã 'bá äyikõ ró rî fêlé gólâ drí tâlâ Yésû Krístõ sî rî.

⁶ Ôvârí âtâ tâ Yésû rî tãsî rî trá búkû íyíkâ 'á âkû ró kî, “Nî ndrê drě, má njî jó âjû tãndí tâ lâ drí lâzélé kôrô rî trá 'bälé õjílâ âmákâ lâfálé jó ângí âmákâ 'á Yêrõsälémã 'á.

Jó âjû rî gógó 'dí tâ lâ drí lâzélé kôrô jó ângí âmákâ 'dízó 'í'dí sî lâ rî 'í'dí.

Õjílâ tîbê tâ lě 'bá trá gólâ 'á rî â'dô 'bã'á äyikõ ró.

Lânõ úsû gólîyî kô âlôlâ.”

Ísáyã 28.16

⁷ Ítí rî, ânî gólîyî tîbê tâ lě 'bá trá gólâ 'á rî, gólâ rî tâ â'dô lâzé'á ânî rú kôrô. Gõ'dá gólîyî tâ lě 'bá gólâ 'á kô rî, â'dô íyî lânõ úsú'á gólâ rî tãsî. Úlí Ôvârí kâ vó ró, Ôvârí kî,

“Ājû jó kâ tîbê jó 'dî 'bá yî drí gâlê dó rî,
 âcâ gō'dá trá âjû gólâ tâ lâ drí lâzélé kôro jó ąngí
 ámakâ 'dîzô rî ró.”

Lôngó 118.22

⁸ Gō'dá úlí Ôvârí kâ âtâ kpá kî,

“Ājû âlô-âlô 'dî â'dô ôjílâ pá sî'á kpá nî drílîyî 'dêzô vūdrí.”

Īsáyã 8.14

Gólîyî 'dê vūdrí, tâlâ gólîyî lěé úlí Ôvârí kâ ârílí kô rî drí.
 Ītí rî, gólîyî â'dô lâņō gólâ Ôvârí drí 'bâlê trá fĕlê gólîyî drí
 ăkû ró rî úsú'á.

⁹ Gō'dá ânî tāsî rî, ânî ôjílâ tîbê Ôvârí drí nĵílí trá â'dólê
 ôjílâ íyíkâ ró rî yî ĩ'dî. Nĵî â'dô trá ąnyî Ôvârí bê kárá ũrĵ
 ăkô drĵ-'bá ró. Ânĵî rĵ'á ôjílâ Ôvârí drí 'bâlê drĵ-'bá ró kŭmŭ
 gólâkâ zĕlê rĵ 'bá yî ĩ'dî. Gō'dá ânĵî rĵ'á gólâkâ ífĵfĵ lâ ró rĵ yĵ
 ĩ'dî. Ôvârí 'ĕ tâ 'dĵ ĩtĵ 'dĵ rĵ, tâlâ nĵî âtâ ró tâ gólîyĵ ămbá yĵ
 drĵ 'ĕlê ânĵî drĵ 'dĵ bê ôjílâ drĵ ndrĵ. Ôvârí ĩ'dĵ kpá tĵbê ânĵî
 ăjĵ 'bá ânĵílĵ vólê kŭmŭ Sătánâ kâ ĵnĵrĵkúwă kâ 'ásĵ ânĵílĵ
 kŭmŭ íyíkâ vō ĩ'ĵ-ĵ'ĵ 'á sŭsŭ ró rĵ 'á nō. Búkŭ Ôvârí kâ âtâ
 tâ trá kĵ,

¹⁰ “Drĕ ăkpăkă'dă sĵsĵ rĵ, nĵî â'dó kô ôjílâ Ôvârí kâ ĩ'dĵ,

gō'dá ngbăąngbănō rĵ, ânĵî gō'dá trá ôjílâ Ôvârí kâ ĩ'dĵ.

Drĕ ăkpăkă'dă sĵsĵ rĵ, nĵî nĵĵ drĕ Ôvârí rĵ pĵpĵsĵlĵ ă'dĵ kô,

Gō'dá ngbăąngbănō rĵ, gólâ rĵ 'â ă'dĵ trá ânĵî rŭ ămbá,
 gō'dá âyĕ tâ ôņĵĵ ânĵĵkâ trá.”

Ōsĕyã 1.9-10

¹¹ Âmâ rŭ-lĕ-ăzĵyã yĵ, nĵî rĵ rĵlĵ ăngó nō 'á ôzō ôjílâ ũmŭ
 ró ânĵî 'bá ânĵî rĵlĵ tăkō 'ĕ 'bá lâvŭlĵ kôro lâvŭ rĵ yĵ kătĵ. Ītĵ
 rĵ, má lô'bă rŭ'bă ânĵî rŭ lôvó gólâ ânĵî rŭ'bă kâ rĵ 'bá ânĵî
 'bâlê tâ ôņĵĵ 'ĕlê 'dĵ gâlê dó, tâlâ lôvó gólâ rŭ'bă kâ 'dĵ rĵ
 íyíkâ ĵtŭ vósĵ cé zăâ rĵ'á rŭ fŭlĵ ânĵî ífĵfĵ rŭ. ¹² Nĵî rĵ zăâ rĵ'á
 tâ tăndĵ 'ĕlê ĩ'dĵ, ôzō nĵî â'dô trá rĵ'á ôjílâ gólîyĵ Ôvârí rĵ nĵĵ

'bá kô 'dĩ 'bá yĩ láfálé rĩ. Gbõ lé gólĩyĩ òrĩ tã ngõlé ãnĩ rú kí, nĩ ò'è tã ònjĩ trá rĩ, gõ'dá gólĩyĩ à'dô ãnĩ ndrẽ'á gbõ zãã rĩ'á tã tãndĩ 'è'á 'dĩ. Gõ'dá ìtĩ rĩ, gbõ gólĩyĩ drĩ drĩ àdĩzò tã ònjĩ àyélé gõzò tã tãndĩ 'èlé 'dĩ Òvãrí rĩ lúyĩ-lúyĩ bẽ kãyĩ gólã Yésũ drĩ ãnĩzò tã-vó òjílã kã kílí rĩ sĩ.

Tã òjílã gólĩyĩ 'bãlé ãnĩ drĩlí rĩ ìnjĩ-ìnjĩ là kã rĩ

¹³⁻¹⁴ Nĩ 'bã ãnĩ nyãanyã rĩlí òjílã gólĩyĩ 'bãlé ãnĩ drĩlí rĩ yĩ zélé, òzò à'dô kúmú gólã kúmú ãmbá drĩ drĩ-ácê fẽzò drĩlã rĩ 'dĩ rĩ. Nĩ 'è ìtĩ, à'dô ró bẽ Kúmú ãmákã Yésũ Krístò rĩ ìnjĩzò. Ngátã à'dô gõ'dá kúmú drĩ-ácê bẽ jãrĩbã ángĩ ãnĩkã drĩlí rĩ 'dĩ yã rĩ, nĩ ìnjĩ gólã kpá tã kí 'bá ró, tãlã lôsĩ gólĩyĩkã rĩ'á tã-vó òjílã kã kílí, lãṅṅ fèlé gólĩyĩ tã ònjĩ 'è 'bá trá rĩ yĩ drĩ gõ'dá gólĩyĩ tã tãndĩ 'è 'bá rĩ yĩ lúyĩlí. ¹⁵ Gõ'dá Òvãrí lè zãã ãnĩ drĩ rĩlí tã tãndĩ 'èlé 'dĩ, tãlã tã tãndĩ ãnĩ drĩ rĩ'á 'èlã 'dĩ 'bá yĩ ò'bã ró òjílã gólĩyĩ tã nĩ ákò lé 'bá ró, rĩ 'bá iyĩ tã ngõlé ãnĩ rú 'dĩ 'bá yĩ bẽ, tã ngõngõ iyĩkã ãnĩ rú 'dĩ 'bá yĩ àyélé vólé. ¹⁶ Nĩ rĩ gõ'dá òzò òjílã gólĩyĩ rĩ 'bá drĩ-báláyĩ ró rĩ 'bá yĩ kãtĩ. Gõ'dá drĩ-báláyĩ ãnĩkã 'dĩ, nĩ ìsũ kô kí, àà'dô ãnĩ drĩ tã ònjĩ 'èzò, gõ'dá ãnĩ drĩ rĩlí òzò rú ì'bũ 'bá Òvãrí kã rĩ 'bá yĩ kãtĩ. ¹⁷ Nĩ ìnjĩ òjílã ndrĩ, nĩ lè ãnĩ àzĩ-àzĩ yĩ krístò 'bá ró rĩ yĩ ndrĩ. Nĩ rò Òvãrí, gõ'dá nĩ ìnjĩ kpá kúmú ãmbá ãnĩkã rĩ yĩ.

Lãtĩ rú ì'bũ 'bá yĩ drĩ 'èzò rĩlí iyĩ lípĩ yĩ bẽ rĩ

¹⁸ ãnĩ gólĩyĩ rú ì'bũ 'bá ró rĩ, nĩ fẽ ãnĩ nyãanyã nyé ãnĩ lípĩ yĩ ìnjĩlí pĩpĩsílĩ ãlò sĩ gõ'dá kpá tã gólĩyĩ drĩ lèlé ãnĩ drĩ 'èlé rĩ yĩ 'èlé. Òzò ãnĩ lípĩ yĩ à'dô òjílã tãndĩ 'ĩ rĩ, nĩ ìnjĩ gólĩyĩ, gõ'dá gbõ lé gólĩyĩ à'dô òjílã ònjĩ 'ĩ, òrĩ iyĩ lãṅṅ fèlé ãnĩ drĩ ròò rĩ, nĩ àtũ ãnĩ fĩ ìnĩnĩ ró lãṅṅ 'dĩ njĩrĩ'á, tãlã nĩ nĩ rĩrĩ gólã Òvãrí drĩ lèlé ãnĩ drĩ rĩzò 'á là 'á rĩ yĩ trá. ¹⁹ Gõ'dá nĩ ò'è trá ìtĩ rĩ, Òvãrí à'dô òrẽ fẽ'á ãnĩ drĩ rĩrĩ tãndĩ ãnĩkã 'dĩ tãsĩ.

²⁰ Gõ'dá õzõ óõfě lâņõ trá ãnî drí tã õņjí ãnî drí 'èlê rí tãsí rí, gõ'dá nĩ 'è lómbé-lómbéwá kô fĩ ãnî drí âtũlĩ lâņõ 'dĩ nĩzõ 'dĩ tãsí. Ítí rí, gõ'dá óõfě lâņõ ãnî drí cú ítí ãnî drí tã õņjí 'è ãkó rí, õzõ nĩ ãtũ fĩ trá lâņõ rí 'dĩ nĩrĩ 'á rí, gõ'dá Ôvârí â'dô 'bã'á ãnî bê ãyĩkô ró ãmbá. ²¹ Ôvârí 'bã ãnî trá lâņõ úsúlĩ ítí 'dĩ rí, tãlâ Yésũ Krístõ nĩ lâņõ kpá trá rõõ ãngó nõ 'á ãmã pãrê 'á rí drí. Lãņõ gólã Yésũ Krístõ drí nĩlĩ 'dĩ rí, rĩ'á tã â'dã 'ĩ ãmã drí 'èlê 'ĩ'dĩ. ²² Nĩ ârĩ drê tã úlĩ Ôvârí kã drí âtálê Yésũ rí tãsí rí kĩ, "Gólã 'é tã õņjí ãzãkã ãlõwálã kó kô. Âârĩ gólã kpá õņjõ âtãrê 'á kô."

Ísáyã 53.9

²³ Ítí rí, gõ'dá ó'dã gólã bê rí, gólã lôgõó lã'dã 'dĩ võ lâ kpá kô. Gõ'dá õjĩlã fě lâņõ bê gólã drí rõõ rí, gólã lôgõó lâņõ 'dĩ võ lâ gólĩyĩ drí kpá kô, gólã fě bê-rí íyĩ nyãányã 'ĩ'dĩ Ôvârí drĩgã, gólã tĩbê 'è 'bã tã-vó íyĩkã kĩlĩ mbĩ rí drí. ²⁴ Gõ'dã îpã gólã rí rú'bã bê fê lãlĩ-lãlĩ drĩ tã õņjí ãmãkã tãsí rí, gólã drí tã õņjí ãmãkã trõzõ ndrĩ yĩ rú. Gólã 'è tã 'dĩ ítí 'dĩ rí, â'dô ró bê ãmã 'bãlê drĩ-bãlãyĩ ró mbãrãkã tã õņjí kã 'ásĩ, gõ'dã kpã mã õrĩ ró bê tã mbĩ 'bã ró Ôvârí rí lĩfĩ drĩ 'á. Lãņõ Yésũ Krístõ kã 'dĩ pã ãmã nĩ. ²⁵ Sĩsĩ rí, ãnî gõ'dã õzõ kãbĩlĩkĩ gólĩyĩ âvĩ 'bã trá õmã 'á rí 'bã yĩ kãtĩ, gõ'dã ngbãangbãnõ rí, Yésũ Krístõ âdrĩ ãnî trá lôgõlê pávó 'á íyĩ vó bèlê 'ĩ'dĩ lôkĩ 'bã ró. Gólã gõ'dã trá 'ĩ'dĩ 'è 'bã ãnî vó ndrêlê kãbĩlĩkĩ íyĩkã rí 'bã yĩ ró rí.

3

Lãtĩ òkó yĩ drí 'èzõ rĩlĩ ágó lâ yĩ bê rí

¹ Gõ'dã kpã ítí, ãnî òkó, nĩ fě ãnî nyãányã nyé ãnî ágó yĩ ãnĩlĩ. Nĩ 'è ítí, õzõ gbõ lé ãnî ágó ãzã 'bã yĩ õlê 'ĩyĩ tã Ôvârí 'á kô rí. Ôzõ óõndrê rĩrĩ tãndĩ ãnĩkã 'dĩ trá rí, gbõ gólĩyĩ

drí kpá rû jázõ tã lělé Ôvârí 'á rĩrĩ tãndí ãníkã 'dĩ tãsí. Ícá kô ãní drí gólĩyĩ jázõ tã tãndí 'ělé cé úlí ãní drí âtalé gólĩyĩ drí rĩ 'bá yĩ sĩ. Tã tãndí 'ě'ě lû'û gǎřǎ úlí âtã-âtã drĩ sĩ. ² Tãlã gólĩyĩ õndrê ró ĩyĩ lãtĩ tãndí ãní drí rĩzõ gólĩyĩ ñnjĩlí 'dĩ bê, gõ'dá gbõ gólĩyĩ drí Ôvârí rĩ ñnjĩzõ lãtĩ ãníkã 'dĩ 'ásĩ.

³ Nĩ rĩ kô ngá gólĩyĩ ãní rú'bã 'bã 'bã â'dólé sũsũ ró rĩ 'ělé. Nĩ rĩ kô rĩ'á ãní drĩ-'bí õmbélé lãtĩ ngĩ ãzã 'bã yĩ 'ásĩ, ã'dõ ró bê sũzõ 'ĩ'dĩ sĩ lâ, gõ'dá nĩ ĩzã âdĩ ãníkã kô ngá gólĩyĩ lô'ĩlí rú'bã 'ásĩ sũzõ rĩ yĩ drĩ, gõ'dá kpá ítã tãndí sõlé sũzõ 'dĩ 'bá yĩ bê. Ngá gólĩyĩ ãní drí sũzõ rĩ â'dó ngá 'dĩ 'bá yĩ 'ĩ'dĩ kô. ⁴ Bê-rĩ nĩ ùjũ mbãrãkã ãníkã rĩ sĩ ndrĩ â'dólé tã tãndí 'ělé 'ĩ'dĩ, gõ'dá kpá rĩlí mãní sĩ ró, gõ'dá kpá pĩpĩsĩlí ã'dĩ bê. 'Dĩ rĩ â'dõ ãní 'bã'á â'dólé sũsũ ró Ôvârí rĩ lĩfĩ drĩ 'á. 'Dĩ rĩ'á sũsũ gólã ícã 'bã kô ndělé rĩ 'ĩ'dĩ.

⁵ Gõ'dá kpá ĩtĩ, ãmã dẽdẽ yĩ ãkũ ró ndrĩ tĩbê tã lě 'bã ĩyĩ Ôvârí 'á nã 'bã yĩ 'ě ĩyĩ kpá trá ĩtĩ. Gólĩyĩ 'bã ĩyĩ nyãányã â'dólé sũsũ ró ĩyĩ fěfě sĩ ndrĩ ĩyĩ ágó yĩ ñnjĩlí. ⁶ Sãrã rĩ nyãányã trá ĩtĩ. Gólã ñnjĩ ĩyĩ ágó Ābãrãyãmã trá gõ'dá zĩ ĩyĩ ágó Ābãrãyãmã ĩyĩ lĩpĩ ró. Gõ'dá õzõ nĩ õ'ê kpá trá õzõ Sãrã kã 'dĩ tí tã mbĩ 'ělé 'ĩ'dĩ, gõ'dá ũrĩ 'é ãní gõ'dá kpá kô rĩ. Tã 'ě'ě ãníkã 'dĩ â'dõ â'dã'á lâ kĩ, ãní gõ'dá trá Sãrã rĩ ózõwã yĩ 'ĩ'dĩ õzõ kpálé ãní ã'dõ õrĩ Yúdã yĩ kã 'ásĩ kô rĩ.

Lãtĩ ágó yĩ drí 'ězõ rĩlí õkó lâ yĩ bê rĩ

⁷ Gõ'dá ãní gólĩyĩ ágó ró rĩ 'bã yĩ drĩ rĩ, nĩ rĩ kpá tãndí ró ãní õkó yĩ bê. Nĩ ndrê gólĩyĩ ĩzã bê, gõ'dá â'dólé gólĩyĩ vó ndrêlé tãndí ró rĩlí lôvó ngá lě'ě kã ágó yĩ kã õkó bê rĩ sĩ. Nĩ ñnjĩ gólĩyĩ, tãlã ãní fãfã gǎřǎ gólĩyĩ drĩ sĩ. Gõ'dá nĩ ñnjĩ gólĩyĩ kpá, tãlã nĩ â'dõ lédřě-lédřě ãdũkũ ãkó rĩ ũsú'á 'dó kpãkã ãlõ gólĩyĩ bê Ôvârí drĩgã sĩ. Őzõ ãní ágó nĩ õ'ê trá ĩtĩ ãní õkó yĩ drĩ rĩ, Ôvârí â'dõ rãtãã ãníkã ãrĩ'á.

Tã rĩrĩ krístõ 'bã kã ãzĩ-ãzĩ lâ yĩ bê rĩ tãsí

⁸ Ædükũ lâ ró rî, nî rî zãâ rîlí pîpîsîlí ã'dí sî ãnî lâfálé 'ásî. Nî rî ngá ãlô ró. Nî ndrê îzã ãnî ázî-ázî yí kâ bê, nî lě ãnî ázî-ázî yî, nî â'dô ã'dí ró ãnî ázî-ázî yî drí. Nî 'bã ãnî nyãányã kô â'dólé gãrã ãnî ázî-ázî yî drî sî. ⁹ Gõ'dá õzõ ãnî ázî-ázî yî ô'ê tâ õnjí trá ãnî drí rî, nî lôgõ tâ õnjí 'dî võ lâ gólîyî drí kô. Gõ'dá õzõ óõ'dã ãnî rî, nî lôgõ lâ'dã 'dî võ lâ kô lâ'dã sî. Bê-rî nî îjî Ôvârí î'dî õrê fêlé õjîlã ãnî 'dã 'bã 'dî 'bã yî drí. Tãlã 'dî tâ gólã Ôvârí drí ãnî nîzõ õjîlã íyíkã ró 'elã rî î'dî. Gõ'dá gólã â'dô kpá õrê fê'á ãnî drí, õzõ nî õfê õrê trá õjîlã ázî drí rî. ¹⁰ 'Dî nyé õzõ îgîlí trá búkũ Ôvârí kã 'á rî tí kî,

“Õzõ õjîlã äzã õlê â'dólé äyîkõ ró ãngõ nõ 'á gõ'dã kpá ngá tãndí ùsúlî rî,

õjîlã rî gógó 'dî äãtã úlí õnjí kô õjîlã ázî rú, gõ'dã gólã äãdõ õnjõ kpá kô õjîlã ázî rú.

¹¹ Gólã äâyê tâ õnjí ndrî gõ'dã rîzõ tâ tãndí rî 'bã yî 'elê î'dî.

Gólã ûûjũ îtú vósî cé rîlí 'ã ã'dí sî ázî-ázî lâ yí bê.

¹² Gólã ô'ê tâ 'dî 'bã yî îtí, tãlã Ôvârí rî õjîlã tâ mbî 'bã vó ndrêlé gõ'dã kpá rãtãã gólîyíkã ârîlí.

Gõ'dã Ôvârí rî íyíkã íyî ùgúlî jãlé jã õjîlã rî 'bã tâ õnjí 'elê rî yî drí.”

Lôngó 34.12-16

Tã gólã lâñõ ùsũ kã â'dózó krístõ 'bã ró rî tãsî rî

¹³ Õzõ gõ'dã nî õrî trá rî'á tâ tãndí rî 'elê î'dî rî, ngá gólã 'ê 'bã íyíkã gõ'dã kó ãnî dôlé rî â'dô 'î yã? ¹⁴ Gõ'dã õzõ gbõ lé õjîlã äzã 'bã yî õfê lâñõ ãnî drí tâ tãndí ãnî drí 'elê rî 'bã yî tãsî rî, nî îsũ tâ kô, Ôvârí â'dô õrê fê'á ãnî drí lâñõ fêlé ãnî drí 'dî tãsî. Nî 'ê ùrî kô õjîlã gólîyî 'ê 'bã lâñõ fêlé ãnî drí 'dî 'bã yî tãsî. ¹⁵ Nî rô cé Yésũ Krístõ î'dî Kúmú ãnikã ró pîpîsîlí ãlô sî. Nî rî îtú vósî cé njãã tâ-drî lôgõlé õjîlã gólîyî

'ē 'bá ānī ĩjílí kī'á nī rī, nī ōrī lĩfĩ 'bālē Yésū Krístō drĩ 'díyī pā 'bá ānīkâ ró ā'dô tāsī yā rī yī drī. ¹⁶ Ōzō gō'dá nī āā'dô tā ĩjī rī 'dī drī lâ lôgō'á ōjílā gólā ānī ĩjī 'bá 'dī drī rī, nī lôgō mánísī pĩpĩsílí ǎ'dí sī. Nī rī tā gólĩyī 'ē 'bá ānyī lôgólē ānī drĩ rī 'elē kô! Tālā ōzō ōō'dā ānī trá tā tándí gólā ānī drī rī'á 'elā rī 'bá yī tāsī rī, gólĩyī ā'dô 'bā'á ānyī bē gólĩyī ōtírī rīrī tándí ānīkâ 'dī ndrēē, tālā ānī ōjílā Yésū kâ ĩ'dī rī. ¹⁷ Ōzō Ôvârí ōlē nī ānī drī lâņō ūsúlí ĩtí, tā tándí gólĩyī ānī drī rī'á 'elā 'dī 'bá tāsī rī, rī'á tándí ró ānī drī lâņō rī gógó 'dī nĵzó tā tándí gólĩyī ānī drī rī'á 'elā 'dī 'bá yī tāsī. Gō'dá nī ūnjĩ lâņō tā ōnjĩ ānī drī 'elē rī yī tāsī rī, 'dĩĩ tā ngíngĩ 'ĩ.

¹⁸ “Yésū Krístō tā mbĩ 'ē 'bá 'ĩ,

gō'dá gólā nĵĩ lâņō trá drílā drārē 'á,
ā'dô ró bē āmâ pázó tā ōnjĩ āmákâ 'ásī.

Gólā drā trá cé āndâlâ ālô ndē trá ĩ'dī 'dī.

Gólā 'é tā ōnjĩ kô, gō'dá gólā drā bē-rī āmâ tā ōnjĩ 'bá nō
'bá yī vō lâ 'á,

ā'dô ró bē āmâ ājílí Ôvârí ngálâ.

Úfũ gólā rī rúbá ĩnyákú trá,

gō'dá Ôvârí ĩngâ gólā trá lédrē-lédrē ró Líndrí Tándí
íyíkâ sī.”*

¹⁹ Kâyī 'dī 'á rī, Líndrí Tándí Ôvârí kâ sī, Yésū ārī trá 'bú 'álâ, nī'á tā Ôvârí kâ pēlé mālāyíkâ ōnjĩ tĩbē 'bālē trá gǎnimã 'á tólâ nā yī drī. ²⁰ Mālāyíkâ ōnjĩ 'dī 'bá yī ró ĩyī Ôvârí kô ǎkũ ró ǎkpākā'dā kâyī Nówā kâ rī sī.* Nówā ōtírī rīĩ kōlóngbō ǎngĩ êdelé rī, Ôvârí rī trá 'á ǎ'dí sī, ā'dô ró bē ōjílā tēlé drī ādílí tā ōnjĩ ĩyíkâ 'ásī, gō'dá ōjílā ādĩĩ drī kô. Gō'dá ĩtí rī, ôzē andrē 'dī ācâ bē 'dĩlĩ gō'dá ĩĩmvũ lâ drī tĩzō gō'dá kōlóngbō drī ngāzó ĩĩmvũ drĩ rī, ōjílā ngá pā 'bá

* 3:18 3.18 Úlĩ 'dī 'bá yī ĩngĩ ĩtí 'dī, tálā ōjílā āzâ 'bá yī kī, 'dĩĩ rī āā'dô lôngó 'ĩ.

* 3:20 3.20 Krístō 'bá āzâ 'bá yī ĩsũ íyíkâ kī, 'dī 'bá yī āā'dô mālāyíkâ gólĩyī vō úrũ 'álâ rī áyē 'bá ārízó ĩyī ōkó ōjílā mvá ró rī yī tāsī.

lĩmvũ drí fũlí kô rĩ cé njĩ-drĩ-lâ-nâ, Nówã drí 'bã 'ásĩ rĩ 'bá yĩ ì'dĩ.

²¹ Lĩmvũ gólã lĩmvũ tĩtĩ kã 'dĩ rĩ rĩ'á tã â'dã bãbãtĩzĩ kã 'ĩ, gólã ãnĩ pã 'bá trá ngbãangbãnõ Krístõ rĩ ngãngã õdrã 'ásĩ rĩ sĩ rĩ ì'dĩ. Gõ'dá ìtĩ rĩ, bãbãtĩzĩ pãtĩjĩ rĩ â'dó kô tótó lĩmvũ dãdã rú'bã 'á rĩ ì'dĩ. Bê-rĩ bãbãtĩzĩ pãtĩjĩ rĩ rĩ'á drĩ âdĩlí ì'dĩ âgõlé Ôvãrí ngálã pĩpĩsĩlí tãndĩ sĩ.

²² Yésũ Krístõ ngã trá gólé úrú 'álã rĩlí drĩ-ágó Ôvãrí kã drĩ lésĩ rĩlí kúmú ró Ôvãrí bê. Gõ'dá ngbãangbãnõ rĩ, gólã rĩ trá mālãykã drĩlí ndrĩ gõ'dá kpá líndrĩ ãzã 'bá yĩ â'dó 'bá cú drĩ-ãcê bê úrú 'á tólã nã 'bá yĩ drĩlí õjĩlã bê ndrĩ.

4

¹ Mã nĩ trá ãnĩ bê tãndĩ ró kĩ, Yésũ njĩ lãnõ trá rõõ. Ìtĩ rĩ, nĩ rĩ njãã fĩ ãtũ-ãtũ sĩ lãnõ njĩlí õzõ Yésũ kãtĩ. Nĩ rĩ njãã lãnõ njĩlí, tãlã õjĩlã gólã tĩbê lãnõ njĩ 'bã 'dĩ rĩ, gólã lẽ trá lãtĩ tã õnjĩ kã rĩ yĩ àyélé. ² Gõ'dá ìtĩ rĩ, ìtõlé nongã sĩ bũúú õdrã ãnĩkã rĩ sĩ rĩ, nĩ àyê tã lõvó gólã rú'bã kã rĩ 'bã ãnĩ 'bãlé tã õnjĩ 'elê 'dĩ. Nĩ 'ê gõ'dá tã gólĩyĩ Ôvãrí rĩ 'bã 'bã àyĩkõ ró rĩ ì'dĩ. ³ Sĩsĩ rĩ, nĩ rĩ trá rĩ'á tã õnjĩ-õnjĩ 'elê ì'dĩ õzõ õjĩlã gólĩyĩ Ôvãrí rĩ nĩ 'bã kô rĩ 'bã yĩ kãtĩ. Sĩsĩ rĩ, nĩ rĩ trá rĩ'á àyĩlí õjĩlã gólĩyĩ â'dó 'bã kô ãnĩ õkó ró ngãtã ágó ró kô rĩ 'bã yĩ bê, gõ'dá ãnĩ trá àvẽ 'bã ró. Nĩ rĩ trá rĩ'á õdrã mvũlí rõõ rĩ'á ãnĩ cĩlí. ãnĩ drĩ rĩzó rú ê'bélé tã ànyĩ kã sũ 'bã kô rĩ 'bã yĩ 'ê bê. Nĩ rĩ kpá trá rĩ'á ôvãrí ãnĩ à'bĩyã yĩ kã â'dó 'bã Ôvãrí pãtĩjĩ ró kô rĩ ìrátã bê, tĩbê â'dó 'bã tã õnjĩ tẽtẽ ró rĩ.

⁴ Ìtĩ rĩ, gõ'dá ngbãangbãnõ rĩ, nĩ gõ nĩ jã ãnĩ bê trá Ôvãrí pãtĩjĩ mbĩ rĩ rólé ì'dĩ rĩ, õjĩlã gólĩyĩ tĩbê Ôvãrí pãtĩjĩ rĩ nĩ 'bã kô rĩ, drĩ lâ ìyĩ trá lĩjã-lĩjã ró, tãlã nĩ gã volé trá dó tã õnjĩ gólĩyĩkã 'dĩ 'bã yĩ 'elê kpãkã ãlõ gólĩyĩ bê rĩ drĩ. Ìtĩ rĩ, gólĩyĩ drĩ gõ'dá ãnĩ lô'dázó. ⁵ Gõ'dá ã'dõ gbõ lé ìtĩ rĩ, ìzãtú

rî, gólîyî â'dô âdré'á Ôvârí tîbê rî 'bá tâ-vó ôjílã ndrî kâ kílî rî ágálé, tâ lâ yî kílî gōzó lâṅõ fêlé drîlîyî, ôjílã gólîyî 'bã 'bá bê drê lédrê-lédrê ró rî yî gō'dá kpá gólîyî ôdrã 'bá trá rî 'bá yî bê. ⁶Tã 'dî tãsí rî, ópê tâ âtî-âtî tãndí Ôvârí kâ trá ôjílã gólîyî ôdrã 'bá trá rî drî drê âkpãkã'dã gólîyî drî drã ákó, tâlá Ôvârí ôkî ró tâ-vó gólîyîkã bê tâ 'ê'ê gólîyîkã gólîyî drî á'dózó drê lédrê-lédrê ró ángó nõ 'á rî vó ró. Ítî rî, gbõ lé gólîyî drã trá rî, gólîyî ôrî ró bê zãâ gbãdú ãdúkũ ákó úrú 'alã ôzõ Ôvârí kâtî.

⁷Nî ndrê trá, kâyî Ôvârí drî 'êzó ngá ndrî ángó 'á nõ 'bá yî ndêlé rî âcã trá. Ítî rî, nî rî lîfî lômbã bê, nî ôrî ró bê zãâ rî'á rãtãã 'elê Ôvârí drî kâyî vósî cé. ⁸Gõ'dá ítî rî, ngá tâ lâ drî lâvûlí gãrã ânî drî 'elê rî î'dî nõ, nî lê ânî ázî-ázî yî ânî pîpîsîlî álô sí, tâlá ôjílã lêlê 'dî rî á'dô ânî 'bã'á njãã ôjílã ázî áyélé tâ ônjî gólîyîkã 'elê ânî drî rî 'bá yî 'ásî. ⁹Nî rî ôjílã ázî lâgúlî ânî drî 'bã 'á cú ítî tâ îsû-îsû rî rî rî ákó.

¹⁰Ôvârí fê mbârãkã lôsí íyîkã 'ê kâ trá ânî drî álô-álô ndrî ngíingî. Ítî rî, nî 'ê lôsí tîbê gólã drî mbârãkã lâ fêlé trá ânî drî 'dî dódó ôzõ rû î'bũ 'bá tãndí kâtî, á'dô ró bê ânî drî ânî ázî-ázî yî pãzó î'dî sí lâ. ¹¹Ítî rî, nî ázã, ôzõ Ôvârí ôfê mbârãkã tâ pêpê kâ î'dî ní drî rî, gō'dá ní pê tâ âtî-âtî gólã drî tâ nîñî lâ fêlé trá ní drî 'dî dódó. Nî ázã, ôzõ Ôvârí ôfê ní drî mbârãkã rû î'bũ kâ î'dî ôjílã ázî drî rî, ní î'bũ rû gólîyî drî fãfã gólã Ôvârí drî fêlé trá ní drî 'dî sí ndrî. Ânî ndrî nî 'ê tâ 'dî 'bá yî ítî, tâlá úlûyî ró Ôvârí Yésũ Krístõ rî tãsí, tâ gólîyî ânî drî 'elê 'dî 'bá yî tãsí. Kúmú Yésũ mbârãkã bê ngá ndrî drîlî rî âã'dô ñnjî-ñnjî lâ ró zãâ gbãdú ãdúkũ ákó. Áã'dô ítî.

¹²Ámã rû-lê-ázî yî má drî lêlé trá rōõ rî 'bá yî, lâṅõ gólîyî rî 'bã ânî 'elê rî ôlîjã ânî drî kô. 'Dîlî á'dó kô ngá 'ê 'bã ânî drî 'bãlê lîjãlê rî î'dî. ¹³Võ lâ 'á rî, nî á'dô áyîkõ ró, tâlá nî rî 'dî lâṅõ Yésũ Krístõ rî 'ê 'bá rî âmú'á gólã bê. Ôzõ

ã'dô trá ítí rî, gõ'dá nî â'dô 'bã'á äyĩkõ ró kpãkã ãlõ Yésũ bê kâyî gólã drí 'ézõ ägölẽ 'bãlé ñnjĩlí rõõ kpá â'dólé mbârãkã bê ängó nõ drĩlí rî sî. ¹⁴ Özõ õõrî ãñî lô'dálé tãlá ãñî krístõ 'bã 'î rî, 'é ngá kô, Ôvãrí â'dô õrẽ fẽ'á ãñî drí. Líndrí Tãndí Ôvãrí kã gólã â'dó 'bã ämbã lævũlí gãrã rî â'dô rí'á ãñî bê ãñî pãlé mbârãkã íyíkã sî.

¹⁵ Özõ nî ùúsù læñõ rî, nî ùsú kô äzĩ-ãzĩ fũfũ tãsî, ngãtã ngá õjĩlá äzĩ kã ùgũ-ùgũ læ tãsî, ngãtã tî sõsõ tã õñjĩ-õñjĩ õjĩlá äzĩ kã 'á rî tãsî, ngãtã ngá ndrĩ õñjĩ-õñjĩ äzã 'bã yî 'é 'bã læñõ äsélé ãñî drĩ rî 'bã yî 'é'è læ tãsî. ¹⁶ Gõ'dá õzõ nî ùúsù læñõ tãlá ãñî krístõ 'bã 'î rî, ãnyĩ læ õgã ãñî drĩ kô. Nî læyî Ôvãrí kâyî læñõ 'dî kã 'á, tãlá ãñî rí'á õjĩlá gólĩyî Yésũ Krístõ rî rú bê rî 'dî. ¹⁷ Nî ndrê drẽ, Ôvãrí rí'á tã-vó õjĩlá kã kĩ'á læñõ rî 'bã gólĩyî 'élé ängó 'á nõ sî. Ôvãrí â'dô rí'á tã-vó õjĩlá nyãnyã læ íyíkã rî 'bã yî kã kĩ'á sîsî. Özõ gõ'dá gólã äã'dô tã-vó ämã õjĩlá gólãkã ró rî 'bã yî kã kĩ'á rî, gõ'dá læñõ â'dô 'é'á â'dólé õjĩlá tã læ 'bã tã Ôvãrí kã nõ 'á kô rî 'bã yî drĩ rî lævũlí gãrã ängó tí yã? ¹⁸ Dũ rî, â'dô â'dó'á nyé õzõ búkũ Ôvãrí kã drí ätálé trá rî kãtí,

“Özõ ä'dô gõ'dã ämbã-ämbã ró õjĩlá Ôvãrí kã drí ngá pãzó rî,
ã'dô tã ä'dô íyíkã ä'dó'á kó nî õjĩlá gólĩyî tã õñjĩ 'bã ró
Ôvãrí rî rõ 'bã kô rî 'bã yî drí yã?”

Úlí Mãnĩgõ 11.31

¹⁹ Özõ Ôvãrí õlẽ trá læñõ drí ãñî 'élé rî, 'dõvó nî 'bã ãñî nyãnyã nyé gólã drĩgã, gólã õndrê ró ãñî vó nî læñõ 'dî 'bã yî 'ásî ndrĩ. Gólã 'dî tĩbê ãñî 'bã 'bã rî, gõ'dã gólã ícã kô ãñî äyélé ãñî drĩ sî ítí.

5

Úlí mbârãkã sõ kã õjĩlá kãñísã kã rú rî 'bã yî

¹ Gõ'dá ngbâangbânõ má âta ãni gólîyî 'bã 'bá drî-'bá kãníšã kê ró õzõ má tí rî yî drí. Mâ rî gógó nyãanyã lâ, má ndrê lânõ Yésũ Krístõ rî 'ê 'bá rî trá cú âmã lífî sî, gõ'dá má drí tâ lâ âtázó õjílã ãzí drí. Ízãtú rî, má â'dô rî'á Krístõ bê kâyî gólã Ôvâri drí 'êzõ ãmbã gólâkã rî â'dalé õjílã ndrî drí rî tú. Má lô'bã rú'bã ãni drí kî, ² nî ndrê õjílã gólîyî Ôvâri drí fêlé trá ãni drí vó lâ iyî ndrêlé rî yî dódó. Nî ndrê vó lâ iyî dódó, tâlá pãtî nî lã trá 'elã ítí, â'dó kô kî, nî 'ê 'dî tótó tâlá 'dî trá lôsî ãníkã rî'á 'elê âdî úsúzó 'á lâ rî 'dî. ³ Nî 'bã ãni kô ãmbã ró õjílã gólîyî Ôvâri drí fêlé trá ãni drí vó lâ iyî ndrêlé 'dî 'bá yî drîlî. Gõ'dá ítí rî, nî rî ãníkã tãndí ró, tâlá gólîyî otrõ ró bê lâràkô ãníkã 'dî. ⁴ Ítí rî, gõ'dá Yésũ Krístõ â'dó 'bá drî-'bá lôkí 'bá ró rî, õtírî âgõô rî, gólã drí ãpã drî-'ã ró gólã tîbê rî 'bã zãã gbãdú ró rî fêzõ ãni drí.

⁵ Gõ'dá má âta tâ kpá ãni gólîyî rî 'bã drê mbalé ó'dí rî 'bá yî drí. Nî ârî úlî õjílã gólîyî sîsî-lésî ãni drí rî 'bá yî kã. Gõ'dá ãni ndrî rî'á õzõ rú 'bũ 'bá kâtí rú 'bũlî ãni ãzí-ãzí yî drí. Nî 'bã ãni kô ãmbã ró gólîyî drîlî. Nî 'ê tâ 'dî 'bá yî ítí, tâlá búkũ Ôvâri kã âta kpá trá kî, “Ôvâri gã dó õrê fêlé õjílã gólîyî lómbé-lómbéwã 'bá ró rî yî drí.

Gõ'dá ítí rî, gólã fê õrê õjílã gólîyî iyî 'bã 'bá â'dólé ngá fînyáwã ró rî 'bá yî drí.”

Úlî Mãnîgõ 3.34

⁶ Gõ'dá â'dô bê trá ítí rî, nî sô ãni drî Ôvâri mbârãkã ãkî bê rî zêlé ngá fînyáwã ró, gõ'dá gólã â'dô õjílã 'bã'á ãni ñnjîlî.

⁷ Nî fê lânõ gólîyî rî 'bã ãni 'elê rî yî Ôvâri drîgã, tâlá gólã rî nî ãni vó ndrêlé dódó.

⁸ ãni lífî õmbã ãni rú, tâlá ãni ãjú-'bã-ãzí Sātãnã, rî'á ãni lûndrú'á õzõ kãmî kâtí. Gólã rî'á ãni lônã'á îzálê. ⁹ Ítí rî, nî rî zãã tâ lãlã sî Ôvâri 'á gãgã õzõ rákã fê kâtí pîpîsîlî ãlõ sî. Nî fú rú Sātãnã bê mbârãkã Ôvâri kã sî, tâlá Sātãnã õzó

kô ãnî pĕê. Kâÿî lâŋõ kâ 'á rî, tã ãâgâ ãnî drĭî kĭ, krĭstõ 'bá ãzâ 'bá yĭ kpá bê ãngó 'á rĭ'á ĩyĭ lâŋõ ãlô-ãlô ãnĭ drĭ rĭ'á úsúlâ 'dĭ 'bá yĭ úsú'á òzõ ãnĭ kâtĭ. ¹⁰ Ôvârí lĕ ãnĭ rõô. Gólâ nĭjĭ ãnĭ trá, ã'dô ró ãmbã íyĭkâ âmúlĭ yĭ bê âđükũ ãkó, tãlâ ãnĭ trá ngá ãlô 'ĭ Yĕsũ Krĭstõ bê. Lãŋõ 'dĭ ã'dô 'ĕ'á ãnĭ 'ĕlĕ cé kâÿî dã sĭ. Gõ'dá 'dĭĭ vósĭ rĭ, Ôvârí rĭ nyãányã ã'dô mbârâkã fĕ'á ãnĭ drĭ âdrézó gâgâ, tãlâ ngá ãzâ ãlôlâ òzó kô ãnĭ pĕê. ¹¹ Ôjĭlã ĩĭnjĭ gólâ gõ'dá ùlũÿĭ ĩyĭ kpá gólâ Kúmú ĩyĭkâ ró zãâ gbâdú âđükũ ãkó. ã'ã'dô ĩtĭ.

Tã Pétěrõ drĭ nĭ-bê-yã 'ĕzó rĭ

¹² Nõô 'bá yĭ úlĭ ámakã jólĕ ãnĭ drĭ rĭ yĭ ĩ'dĭ. Sĭlĭvánõ ĩgĭ nĭ má drĭ. Gólâ ôjĭlã tãndĭ rĭ ĩ'dĭ. Úlĭ ámakã 'dĭ 'bá yĭ òsõ mbârâkã ãnĭ rú ãnĭ drĭ fĭĭ âtũzó bê lâŋõ ndrĭ 'ásĭ. Má lĕ úlĭ ámakã 'dĭ 'bá yĭ ãã'dã ró tã ãnĭ drĭ kĭ, pãtĭ-pãtĭ ró Ôvârí lĕ ãnĭ trá cú ĩtĭ tãkó ĩtĭ, ngá ãzâ 'ĕ ãkó gólâ drĭ. Nĭ lĕ tã lõvõ gólâkã ãnĭ drĭ tãkó 'dĭ 'á pĭpĭsĭlĭ ãlô sĭ. ¹³ Gõ'dá krĭstõ 'bá gólĭyĭ Rómã 'álâ rĭ 'bá yĭ 'ĕ ĩyĭ kpá nĭ-bê-yã ãnĭ drĭ ndrĭ. Gólĭyĭ kpá rĭ'á ôjĭlã Ôvârí drĭ njĭlĭ trá ãnĭ tĭ rĭ yĭ ĩ'dĭ. Mârãkõ gólâ ã'dó 'bá òzõ ámã mvã ífĭfĭ kâtĭ rĭ 'ĕ kpá nĭ-bê-yã ãnĭ drĭ. ¹⁴ Nĭ 'ĕ nĭ-bê-yã ãnĭ ãzĭ-ãzĭ yĭ drĭ lõvõ sĭ. Tã â'dĭ ãã'dô ãnĭ gólĭyĭ ã'dó 'bá ngá ãlô ró Yĕsũ Krĭstõ bê rĭ yĭ drĭ. ĩ'dĭ 'dĭ.

Tã-drĩ Lěě Ó'dí Óvârí Kâ

Avokaya: Tã-drĩ Lěě Ó'dí Óvârí Kâ New Testament

copyright © 2002 Wycliffe Bible Translators, Inc.

Language: (Avokaya)

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 14 Jun 2022 from source files dated 2 Jun 2022

87931ba7-0e83-5f4d-bd6e-8c45876fc354